



# საქართველოს კომუნიკაციების ეროვნული კომისია

## გადაწყვეტილება

N გ-20-12/307  
12/03/2020

307-გ-20-1-4-202003121458



### ფიზიკურ პირ პაატა ურიადმოფელისთვის და შპს „პაჩოს“ მაუწყებლობის სფეროში ავტორიზაციაზე უარის თქმის შესახებ

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიას განცხადებით მიმართა ფიზიკურმა პირმა პაატა ურიადმოფელმა (კომისიაში რეგისტრაციის №შ-19-6/933, 02.04.2020) „მაუწყებლობის შესახებ“ საქართველოს კანონის შესაბამისად ავტორიზაციის გავლის თაობაზე. კერძოდ, ფიზიკური პირის პაატა ურიადმოფელის მიერ ნაწილობრივ იყო შევსებული მაუწყებლობის სფეროში ავტორიზაციის განცხადების ფორმა და ასევე წარმოდგენილი იყო იურიდიული პირისთვის განკუთვნილი შეუვსებელი განცხადების ფორმა. განცხადებებს თან ერთვოდა შპს „პაჩოს“ (ს/ნ 445553936) მიერ შევსებული შესაბამისობის დეკლარაცია.

2020 წლის 24 თებერვალს შპს „პაჩოს“ დირექტორის პაატა ურიადმოფელის სახელზე გაიგზავნა წერილი (წერილი №გ-19-03/622). წერილის თანახმად პაატა ურიადმოფელს განემარტა, რომ იმ შემთხვევაში თუ ავტორიზაციის გავლა სურდა შპს „პაჩოს“, მაშინ კომპანიას უნდა წარმოედგინა იურიდიული პირისთვის განკუთვნილი შევსებული განცხადების ფორმა მასში მითითებული თანდართული დოკუმენტაციით.

„მაუწყებლობის შესახებ“ საქართველოს კანონის 45<sup>1</sup> მუხლის მე-5 პუნქტის საფუძველზე განმცხადებელს ზემოაღნიშნული ინფორმაციის წარმოდგენისთვის განესაზღვრა 5 სამუშაო დღის ვადა (წერილი №გ-19-03/622, 24.02.2020წ.). გაგზავნილი წერილის ჩაბარება მეილით დაადასტურა პაატა ურიადმოფელმა 2020 წლის 26 თებერვალს. განმცხადებელს მოთხოვნილი დოკუმენტაცია კომისიაში უნდა წარმოედგინა 2020 წლის 5 მარტის ჩათვლით. განმცხადებელს ინფორმაცია კომისიაში მითითებულ ვადაში არ წარმოუდგენია.

კომისიის 2020 წლის 12 მარტის სხდომას არ ესწრებოდა შპს „პაჩოს“ წარმომადგენელი პაატა ურიადმოფელი. კომპანიას შეტყობინება სხდომის გამართვის თაობაზე ჩაბარდა 2020 წლის 10 მარტს ელექტრონული ფოსტის მისამართზე. კომპანიამ 2020 წლის 11 მარტს გვაცნობა, რომ აღარ სურს ავტორიზაციის გავლა მაუწყებლობის სფეროში (წერილი №შ-20-6/1266).

სხდომაზე აღინიშნა, რომ „მაუწყებლობის შესახებ“ საქართველოს კანონის 45<sup>1</sup> მუხლის მე-5 პუნქტის შესაბამისად თუ საავტორიზაციო განცხადება და თანდართული დოკუმენტაცია არასრულყოფილადაა წარმოდგენილი, კომისია ავტორიზაციის მსურველ პირს დოკუმენტაციის სრულყოფილად წარმოდგენისათვის განუსაზღვრავს 5 სამუშაო დღის ვადას. ამ ვადაში დოკუმენტაციის წარმოდგენლობის შემთხვევაში ავტორიზაცია არ განხორციელდება. ავტორიზაციის განუხორციელებლობა არ ართმევს პირს უფლებას, განმეორებით მიმართოს კომისიას ავტორიზაციისათვის.



ყოველივე ზემოაღნიშნულის გათვალისწინებით, კომისიამ „მაუწყებლობის შესახებ“ საქართველოს კანონის 45<sup>1</sup> მუხლის მე-5 ქვეპუნქტის და 38-ე მუხლის, ასევე საქართველოს ზოგადი ადმინისტრაციული კოდექსის 53-ე, 95-ე, 98-ე და 99-ე მუხლებისა და VII თავის შესაბამისად, კენჭისყრის შედეგად, ერთხმად

### გადაწყვეტა:

1. უარი ეთქვას ფიზიკურ პირ პაატა ურიადმოფელს და შპს „პაჩოს“ (ს/ნ 445553936) მაუწყებლობის სფეროში ავტორიზაციაზე ”მაუწყებლობის შესახებ“ საქართველოს კანონით განსაზღვრული დოკუმენტაციის არასრულყოფილად წარმოდგენის გამო;
2. განემარტოს ფიზიკურ პირ პაატა ურიადმოფელს და შპს „პაჩოს“ რომ ავტორიზაციის განუხორციელებლობა არ ართმევს პირს უფლებას, განმეორებით მიმართოს კომისიას ავტორიზაციისათვის;
3. დაევალოს კომისიის ადმინისტრაციას (ნ. შოვნაძე):
  - ა) აღნიშნული გადაწყვეტილების დამოწმებული ასლის ფიზიკურ პირ პაატა ურიადმოფელისთვის და შპს „პაჩოსთვის“ გაგზავნა;
  - ბ) აღნიშნული გადაწყვეტილების კომისიის ოფიციალურ ვებ-გვერდზე ([www.gncc.ge](http://www.gncc.ge)) გამოქვეყნება.
4. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ კოლეგიაში (ქ. თბილისი, დავით აღმაშენებლის ხეივანი მე-12 კმ.; N6) ფიზიკურ პირ პაატა ურიადმოფელისთვის და შპს „პაჩოსთვის“ ჩაბარებიდან ერთი თვის ვადაში;
5. გადაწყვეტილება ძალაში შევიდეს მისი დამოწმებული ასლის ფიზიკურ პირ პაატა ურიადმოფელისთვის და შპს „პაჩოსთვის“ ჩაბარებისთანავე;
6. კონტროლი აღნიშნული გადაწყვეტილების შესრულებაზე (გარდა მე-3 პუნქტისა) დაევალოს კომისიის აპარატის სამართლებრივი დეპარტამენტის ავტორიზაციისა და ლიცენზირების ჯგუფს (მ. ქადეიშვილი).

კახი ბექაური



თავმჯდომარე

ვახტანგ აბაშიძე



წევრი

ელისო ასანიძე



წევრი

მერაბ ქათამაძე



წევრი



